



ՊԱՏԻՎ ՈՒՆԵՄ



ՀԻՄՆԱԿՈՐ ԳԻՏԵԼԻՔՈՎ ԴԵՊՒ ԱՐԺԱՆԱԴԱՏԻՎ ԾԱՌԱՅՈՒԹՅՈՒՆ Թիվ 9(69), 30 նոյեմբեր, 2024թ.

ՀՀ ՆԳՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ

ՆՇԱՆԱԿԿԵԼ Է ՆԵՐՔԻՆ ԳՈՐԾԵՐԻ ՆՈՐ ՆԱԽԱՐԱՐ



ԱՐՓԻՆԵ ԱՇՈՏԻ ՍԱՐԳՍՅԱՆ

Ծնվել է 1994 թվականի ապրիլի 14-ին, Վեդի քաղաքում: 2010-2015 թվականներին սովորել է Երևանի պետական համալսարանի իրավագիտության ֆակուլտետում, ստացել է իրավագիտության բակալավրի աստիճան: 2015-2017 թվականներին ուսումը շարունակել է նույն համալսարանի իրավագիտության ֆակուլտետի մագիստրատուրայում, ստացել է գերազանցության դիպլոմ: 2015 թվականին նշանակվել է ՀՀ արդարադատության նախարարության աշխատակազմի օրենսդրության զարգացման և իրավական վերլուծությունների վարչության քրեաիրավական օրենսդրության բաժնի փորձագետ, մեկ տարի անց՝ Եվրոպայի խորհրդի Աջակցություն Հայաստանում պրոբացիոն ծառայության ստեղծմանը՝ ծրագրի ազգային փորձագետ-վերապատրաստող:

2016 թվականի հունվարից հունիս Արփինե Սարգսյանը եղել է ՀՀ արդարադատության նախարարի տեղակալի օգնական, 2016-2019 թվականներին նույն նախարարության աշխատակազմի հակակոռուպցիոն և քրեակատարողական քաղաքականության մշակման վարչության փորձագետ, որից հետո՝ առաջատար մասնագետ: 2017 թվականից Արփինե Սարգսյանը եղել է Հանրապետական գործադիր մարմիններում հակակոռուպցիոն ոլորտի պատասխանատուների վերապատրաստող: Նույն թվականից մինչև 2022 թվականը եղել է ՀՀ քրեակատարողական նոր օրենսգրքը մշակող աշխատանքային խմբի անդամ, 2017 թվականից՝ Երևանի պետական համալսարանի իրավագիտության ֆակուլտետում քրեական իրավունքի ամբիոնի ասպիրանտ: 2018 թվականին Արփինե Սարգսյանը վերապատրաստել է Պրոբացիայի և քրեակատարողական ծառայողների:

2019 թվականի ապրիլից մինչև 2022 թվականի հունվար Արփինե Սարգսյանը եղել է ՀՀ արդարադատության նախարարության քրեակատարողական ծառայության կենտրոնական մարմնում գործող տեղաբաշխման հանձնաժողովի անդամ, նույն թվականի ապրիլից նոյեմբեր՝ ՀՀ արդարադատության նախարարության հա-

Հիմք ընդունելով վարչապետ Նիկոլ Փաշինյանի առաջարկությունը, համաձայն Սահմանադրության 131-րդ հոդվածի, ինչպես նաև «Կառավարության կառուցվածքի և գործունեության մասին» օրենքի 5-րդ հոդվածի 1-ին մասի՝ Նախագահի Վսիհազն Խաչատուրյանի հրամանագրով Արփինե Սարգսյանը նշանակվել է Ներքին գործերի նախարար:

կակոռուպցիոն և քրեակատարողական քաղաքականության մշակման վարչության քրեակատարողական քաղաքականության մշակման բաժնի պետ, որից հետո՝ մինչև 2020 թվականի հուլիս՝ նույն նախարարության հակակոռուպցիոն և քրեակատարողական քաղաքականության մշակման վարչության պետ, ինչպես նաև համակարգել է քրեական և քրեական դատավարության նոր օրենսգրքերի նախագծերի լրամշակման, նոր օրենսգրքերին ՀՀ օրենսդրական ամբողջ դաշտի հարմոնիզացման աշխատանքները, կազմակերպել և համակարգել է քրեակատարողական և պրոբացիայի ոլորտի առաջին ռազմավարության մշակման և իրականացման գործընթացը:

2020 թվականի հուլիսից մինչև 2022 թվականի հունվար զբաղեցրել է ՀՀ արդարադատության նախարարության քրեական օրենսդրության, քրեակատարողական և պրոբացիայի ոլորտի քաղաքականության մշակման վարչության պետի պաշտոնը: 2022 թվականին եղել է ՀՀ հակակոռուպցիոն կոմիտեի ծառայողների առաջին կազմի ընտրության մրցութային հանձնաժողովի նախագահը, 2022 թվականին «Կանանց նկատմամբ խտրականության բոլոր ձևերի վերացման» ՄԱԿ-ի կոմպենցիայի իրականացման մասին Հայաստանի 7-րդ պարբերական զեկույցի քննարկման ժամանակ՝ համանախագահ:

2022 թվականից Արփինե Սարգսյանը Ոստիկանության բարեփոխումների աշխատանքային բազմաշահառու խմբի ղեկավարն է, մասնակցել է Ոստիկանության ոլորտի 2020-2022 թվականների բարեփոխումների ռազմավարության իրականացման, Ներքին գործերի նախարարության ստեղծման աշխատանքներին:

2022-2023 թվականներին եղել է ՀՀ արդարադատության նախարարության համակարգմամբ գործող Անչափահասների արդարադատության բազմաշահառու խորհրդի ղեկավարը: Նույն ժամանակաշրջանում ներկայացրել է Հայաստանի Հանրապետության ՀՀ կառավարությունը Եվրոպայի խորհրդի խոշտանգումների կանխարգելման կոմիտեում և ՄԱԿ-ի խոշտանգումների դեմ կոմիտեում:

2022 թվականի հունվարի 21-ին ՀՀ վարչապետի որոշմամբ Արփինե Սարգսյանը նշանակվել է ՀՀ արդարադատության նախարարի տեղակալ, իսկ 2023 թվականի հունվարի 9-ին՝ ՀՀ ներքին գործերի նախարարի տեղակալ:

2024 թվականի նոյեմբերի 20-ին ՀՀ վարչապետի առաջարկությամբ և նախագահի հրամանագրով՝ նշանակվել է ՀՀ ներքին գործերի նախարար:

ՀՀ ՆԳՆ ԿՐԹԱՅԱՍԱԼԻՐԻ ՊԵՏԻ ՈՒՂԵՐԶԸ ՈՒՍԱՆՈՂՈՒԹՅԱՆ ՄԻՋԱԶԳԱՅԻՆ ՕՐԿԱԿԱՎԿՑՈՒԹՅԱՄԲ



Սիրելի՛ ուսանողներ՝ մեր ապագան կերտողներ, ջերմորեն շնորհավորում եմ Ուսանողության միջազգային օրվա կապակցությամբ:

Ուսանողության միջազգային օրը՝ նոյեմբերի 17-ը, նշում են աշխարհի տարբեր երկրներում: Այն մեր այսօրվա երիտասարդ երազողների, նորանոր գիտելիքներ ձեռք բերած, հետաքրքիր նախախրություններ ունեցող և խանդավառ ուսանողության տոնն է, որը կարծես շեշտում է երիտասարդ լինելու և իրենց ներուժն առավել արդյունավետ օգտագործելու կարևորությունը:

Ցանկացած հասարակության համար հպարտության և կայուն ապագայի երաշխավորները հենց տվյալ սերնդի ուսանողներն են:

Դուք եք, որ պիտի դառնաք վաղվա լավագույն մասնագետները՝ ամեն մեկն իր ոլորտում ու գործունեության շրջանակներում: Դուք եք, որ պետք է ուղեմիջ լինեք պետականության պահպանման ու երկրի ծաղկման անմեկտեղ գործերում:

Անչափ կարևոր է ձեր մասնակցությունը երկրի հասարակական, կրթական ու սոցիալական, ռազմաժայռենասիրական նախաձեռնություններում: Դուք մեր երկրի շարժիչ ուժն եք:

Փաստ է, որ գիտակ երիտասարդների ակտիվ և միասնական ներգրավվածության շնորհիվ է հնարավոր երկրի ամենօրյա խնդիրների լուծումը, և միայն մասնագիտական խոր գիտելիքներով և կրթական բարձր մակարդակ ունեցող սերունդը կարող է դիմակայել պետության առջև ծառացած մարտահրավերներին:

Եվս մեկ անգամ շնորհավորում եմ և ցանկանում, որ լինեք նպատակասլաց, ամեն օր հարստացնեք ձեր գիտելիքներն ու հմտությունները, որոնք ամբողջ կյանքում լինելու են ձեր հաջողությունների ու ձեռքբերումների գլխավոր երաշխիքը:

ՀԱՆԴԻՊՈՒՄ ՖՐԱՆՍԻԱՅԻ ԳՈՐԾԸՆԿԵՐՆԵՐԻ ՀԵՏ

Նոյեմբերի 6-ին ՀՀ ՆԳՆ կրթահամալիրի պետ, ոստիկանության գնդապետ Մանուկ Մուրադյանը ընդունել է Ֆրանսիայի Հանրապետության ԱԳՆ միջազգային անվտանգության համագործակցության վարչության տնօրեն Սեբաստիեն Դորդիային, նրա տեղակալ Ժյուլ Բուրելին, ՀՀ-ում Ֆրանսիայի Հանրապետության դեսպանության օպերատիվ անվտանգության խորհրդական Քրիստոֆ Բիդարին և Հարավային Կովկասում Ֆրանսիայի Հանրապետության կցորդ Օլիվիե Լեֆերին:

Ողջունելով հյուրերին՝ Մանուկ Մուրադյանը Կրթահամալիր այցելելու համար շնորհակալություն հայտնեց նրանց: Նա իր խոսքում նշեց, որ Կրթահամալիրը որդեգրել է բաց քաղաքականության ձևաչափ և այս տեսանկյունից խիստ



կարևորում է ոստիկանական կրթության ոլորտում Ֆրանսիայի գործընկերների հետ հարաբերությունները: Ներկայացրեց նաև ՀՀ ներքին գործերի նախարարությունում ընթացող լայնամասշտաբ բարեփոխումների հիմքում ընկած 4 հիմնական հենասյուները և նախանշված արդյունքներին հասնելու համար իրականացված կրթական գործընթացները:

Քննարկվեցին Ֆրանսիայի Հանրապետության ոստիկանական կրթական հաստատությունների հետ համագործակցության, կրթաօգնությունների դեմ պայքարի և հասարակական կարգի պահպանության վերաբերյալ ֆրանսիական փորձի ուսումնասիրման հնարավորությունը և փոխադարձ հետաքրքրություններ կայացնող այլ հարցեր:

ՀՀ ՆԳՆ ԿՐԹԱՀԱՄԱԼԻՐԸ ՄԱՍՆԱԿՑԵՑ ԱՌՅԱՆՑ ԻՆՏԵԼԵԿՏՈՒԱԼ ԽԱՂԻՆ



2024 թ. նոյեմբերի 14-15-ին ՀՀ ՆԳՆ կրթահամալիրի ակադեմիայի ուսանողները մասնակցեցին ՈՂ ՆԳՆ ՆԻԺՆԻ ՆՈՎՈՐՈՂԻ ակադեմիայի կազմակերպած «Արհեստական բանականության դերը հասարակության և պետության կյանքում Տյուրինգի մոդելի ժամանակաշրջանից մինչև մեր օրերը» խորագրով ինտելեկտուալ խաղերին: Կրթահամալիրի ակադեմիան ներկայացնում էին առկա անվճար 3-րդ կուրսի սովորող, ոստիկանության սերժանտ Լիդիա Գրիգորյանը, առկա վճարովի 3-րդ կուրսի սովորողներ Վարդան Կարապետյանը, Ադրինե Զարությունյանը և առկա վճարովի 4-րդ կուրսի սովորող Մելսիդա Ավետիսյանը: Թիմի

մարզիչն էր ՆԳՆ կրթահամալիրի ակադեմիայի քաղաքացիական իրավունքի և քաղաքացիական դատավարության ամբիոնի պետի պարտականությունների ժամանակավոր կատարող, իրավաբանական գիտությունների թեկնածու, դոցենտ, ոստիկանության մայոր Գայանե Մարությանը:

Ինտելեկտուալ խաղին մասնակցում էր 16 թիմ Ռուսաստանի, Բելոռուսի, Ղազախստանի և այլ ուսումնական հաստատություններից: Առաջին մրցափուլի ավարտից հետո մասնակից թիմերի ցանկում երկրորդ խաղափուլին ընդգրկվեց ՆԳՆ կրթահամալիրի ակադեմիայի թիմը և զբաղեցրեց երրորդ մրցանակային տեղը:

ՀՀ ՈՍՏԻԿԱՆՈՒԹՅԱՆ ՊԱՏՄՈՒԹՅԱՆ ԹԱՆԳԱՐԱՆԸ 47 ՏԱՐԵԿԱՆ Է



2024 թ. նոյեմբերի 10-ին ՀՀ ոստիկանության պատմության թանգարանը դարձավ 47 տարեկան:

47 տարի առաջ՝ 1977թ. նոյեմբերի 10-ին, պաշտոնապես բացվել է Հայաստանի Սովետական Սոցիալիստական Հանրապետության ներքին գործերի մինիստրության մարտական և աշխատանքային փառքի թանգարանը, որի իրավահաջորդը ՀՀ ոստիկանության պատմության թանգարանն է:

Թանգարանի անվանումը վկայում էր այն մասին, որ ՆԳՄ-ն իրականացնում էր և՛ մարտական, և՛ աշխատանքային գործունեություն: Թանգարանի ստեղծման գործում մեծ դերակատարում են ունեցել ՆԳՆ վետերանները, որոնք նպաստել են ֆոնդերի համալրմանը: Մինչև 1988թ. թանգարան են այցելել դպրոցներից, աշխատավորական կոլեկտիվներից, իսկ 1988-2013թթ. թանգարանն իրականացրել է միայն ֆոնդերի պահպանման գործառնություն: 2010թ. ՀՀ ոստիկանության պետ Ա.Սարգսյանը թանգարանի աշխատանքները վերսկսելու հանձնարարություն է արձակել: 2013 թվականից այն վերանվանվել է ՀՀ ոստիկանության պատմության թանգարան, իսկ աշխատանքները վերսկսել է 2015թ. մայիսի 8-ից: Թանգարանի աշխատանքների վերսկսման մեծ մեծ ներդրում են ունեցել ՀՀ ոստիկանության պետեր՝ Ա.Սարգսյանը, Վ.Գաս-

պարյանը, ՀՀ ոստիկանության կրթահամալիրի պետ Հ.Վարդանը, ՀՀ ոստիկանության վետերանների խորհրդի նախագահ Գ.Աբովյանը, թանգարանի առաջատար մասնագետներ Ա.Ծատուրյանը, Դ.Հովսեփյանը:

Թանգարանի վերսկսման աշխատանքների շնորհիվ ապահովվել է ֆոնդերի ցուցադրությունը, այցելությունների կազմակերպումը, ֆոնդերի համալրման և գույքագրման աշխատանքները: Թանգարանի աշխատանքների լուսաբանման համար օգտագործվել են ՀՀ ոստիկանության, կրթահամալիրի էլեկտրոնային կայքերը, պաշտոնաթերթը, ինչպես նաև թանգարանի մասին հրապարակվել է հայերեն, ռուսերեն և անգլերեն եռալեզու բուկլետ: Թանգարանի հիմնական նպատակն այցելությունների կազմակերպումն է: Թանգարանի աշխատանքները վերսկսելուց հետո այցելել են 4500 դպրոցականներ, ոստիկաններ, այլ պետությունների ներկայացուցիչներ, իսկ ֆոնդերի քանակը կազմել է 5722 միավոր:

Այսուհետև ևս թանգարանը շարունակելու է իր աշխատանքները 48-ամյակը արժանավայել դիմավորելու համար:

Դավիթ Հովսեփյան
առաջատար մասնագետ,
ՀՀ ոստիկանության
պաշտոնաթող գնդապետ

ԿՐԹԱՀԱՄԱԼԻՐԻ ՈՒՍԱՆՈՂՆԵՐՆ ԱՅՑԵԼԵՑԻՆ ՀԱՅ ՕԳՆՈՒԹՅԱՆ ՖՈՆԴ



Սույն թվականի նոյեմբերի 1-ին Հայաստանի Հանրապետության Հայ օգնության ֆոնդի (ՀՕՖ) երեխաների պաշտպանության կենտրոնում ՀՀ ՆԳՆ ոստիկանության կրթահամալիրի ակադեմիայի ՕԳ և քրեագիտության ամբիոնի դոցենտ, ոստիկանության գնդապետ Ա.Սահակյանն անցկացրեց ՀՀ ներքին գործերի նախարարության կրթահամալիրի ակադեմիայի իրավագիտության ֆակուլտետի բակալավրիատի առկա անվճար ուսուցման 4-րդ կուրսի սովորողների՝ «Ընտանիքում բռնության և անչափահասների կողմից կատարվող իրավախախտումների կանխարգելումը» առարկայի գործնական պարապմունքը՝ նպատակ ունենալով ամրապնդել սովորողների ձեռք բերած տեսական գիտելիքները:

Պարապմունքի ժամանակ սովորողներին ներկայացվեցին այն հանգամանքները, որոնք պատճառ են դառնում ՀՕՖ-ի երեխաների աջակցության կենտրոնում անչափահասների հայտնվելուն: Դրանք առավելապես ընտանիք չունեցող, անապաստան մնացած, լքված, մուրացկանությամբ զբաղվող կամ բռնության ենթարկված երեխաներ են, որոնք նաև ձեռք են բերել վարքագծի շեղումներ: Սովորողների ուշադրությունը հրավիրվեց կենտրոնում երեխաներին տրամադրվող տարբեր ծառայությունների մատուցման ձևերին՝ ոստիկանության իրավական ծառայություն, բուժօգնություն, հոգեբանական աջակցություն, հակասթրեսային թերապիա և այլն:

Սովորողները տեղում հանգստանալու և տվյալ գործընթացում ոստիկանության աշխատակցի ունեցած առանցքային դերակատարման մեջ:

ՀԱՅՐԵՆԻՔԻՑ ԶԱՏ, ՀԱՅՐԵՆԻՔԻՑ ԴՈՒՐՍ ԻՆՁ ՀԱՄԱՐ ԽԱԲՈՒՄԻԿ ԵՆ ԲՈԼՈՐ ԴՐԱԽՏՆԵՐԸ

Երկար տարիներ են չեն տեսել հայրենիքը, չեն զգացել նրա ջերմացնող արևի շողերը և անմահության ոգով լցված Հայաստանի օդը:

Եվ ահա, երկար տարիներ ապրելով օտար հողում, որոշումը մեկն էր՝ իմ ընտանիքը պետք է վերադառնա, իմ եղբայրները պետք է ծառայեն իրենց հայրենիքի համար, ես էլ որոշում կայացրի՝ ծառայել ՀՀ ՆԳՆ ոստիկանության կրթահամալիրում: Օտար երկրում ապրելով և հայրենիքին կարոտ մնալով՝ ցանկացա ընդունվել համալիր, որպեսզի դառնամ հայրենիքիս մի մասնիկ: Համազգեստս կրում եմ սիրով և պատվով կատարում իմ առջև դրված բոլոր խնդիրներն ու պարտականությունները: Իրադարձություններ են լինում ժողովուրդների կյանքում, որոնք կանխորոշում են նրանց հետագա ճակատագիրն ու դառնում ապագայի հենասյունը: Այսօր մեր անկախ պետությունը 34 տարեկան է: Ամեն մեկս մեր չափով նպաստեմք մեր անկախ երկրի հզորացմանը՝ հանուն անկախության կերտման ճանապարհին:

Մահադատված մեր բազում արիա-սիրտ հայրերի: Միշտ պետք է հիշել, որ միայն հայրենասերի արդյունավետ նվիրումը երկիրը հայրենիք կդարձնի:

Եթե ուզում ես հարուստ երկիր, վերադարձիր, աշխատիր քո պետության համար. այն քո կարիքն ունի: Այն, ինչով շատերը պատրաստվում են արդարացնել իրենց անգործությունը, պարզապես հոգևոր վախկոտությունը զսպելու փորձ է: Հպարտության և հարգանքի են արժանի նրանք, ովքեր ճանաչել են արարման կարևորությունը, ովքեր լսել են իրենց հայրենիքի կանչը և վերադարձել են տուն:

Վերդարձեք Հայրենիք:

Հայրենիքից զատ, հայրենիքից դուրս ինձ համար խաբուսիկ են բոլոր դրախտները:

Գ.Նժդեհ

Զուլյանա Գասպարյան
քուլեջ, 2-րդ կուրս,
ոստիկանության կրտսեր սերժանտ

ԵՐԱԶԱՆՔՆԵՐ ԶՈՒՆԵՄ, ԿԱ ՆՊԱՏԱԿ, ՈՐԻ ՀԱՄԱՐ ՊԵՏՔ Է ԶԱՆԱՍԻՐԱԲԱՐ ԱՇԽԱՏԵԼ



- Ինչպիսի՞նք եք փոքրիկ Լիդիան:

- Դե՛, բնականաբար, ես չեմ հիշում փոքրիկ Լիդիային, աղոտ ինչ-որ պահեր միայն... Մայրիկս ասում է՝ խելացի, հասկացող աղջնակ էի, միշտ ինչ-որ բան էի քանդում «բայց լավ նպատակով», ուսումնասիրում էի: Ակտիվ, շարժուն երեխա եմ եղել, հաճախել եմ երաժշտական դպրոց, պարի, սպորտի: Միշտ շարժի մեջ եմ եղել:

- Դրվագներ, որ տպավորվել են մանկության տարիներից: Որո՞նք էին մանկությանդ տարիների խաղերը:

- Մանկությունս շատ պայծառ ու անհոգ է անցել՝ չարածիմություններով լեցուն, դե՛, բակային խաղերն էլ անպակաս են եղել: Խաղում էինք ամենատարբեր խաղեր՝ ֆուտբոլ, վոլեյբոլ, 7 քար, պահմտոցի, գործագործ (город за город), քարկտիկ ու էլի շատ խաղեր:

- Կապտմե՞ս դպրոցական տարիներից:

- Դպրոցական տարիներս բավականին

«Կրթահամալիրի սովորողները» խորագրով նախագծի շրջանակներում այս անգամ զրուցել ենք ԶՅ ՆԳՆ ոստիկանության կրթահամալիրի 3-րդ կուրսի սովորող, ոստիկանության սերժանտ, Լիդիա Գրիգորյանի հետ:

հազեցած են եղել: Միշտ տարբեր միջոցառումներ, մրցույթներ, օլիմպիադաներ. Covid-19-ի ժամանակաշրջանում նաև աշակերտական խորհրդի նախագահ եմ եղել ու բազմաթիվ առցանց միջոցառումներ կազմակերպել: Հիմա էլ այդ ակտիվությունը շարունակական բնույթ է կրում:

- «Փոքրիկ իշխան»... Անտուան դը Սենտ-Էքզյուպերի... Ինչպիսի՞նք է քո ստեղծած այլ մոլորակը:

- Մոլորակ՝ որպես այդպիսին, չունեմ, բայց մեծ, որ չափազանց լավատես եմ ու երկի թե իմ մոլորակի հիմքը հենց լավատեսությունը կլինի, որտեղ մարդիկ բարյացակամ են:

- Ի՞նչ ես կարծում, կա՞ն վատ գրքեր:

- Կարծում եմ չկան վատ գրքեր: Յուրաքանչյուր գիրք ունի իր «հասցեատեղը», իր «լսարանը». զուտ ճաշակի հարց է:

- Քո ընթերցած գրքերից ո՞րն է ամենատպալմունք, ո՞ր գիրքն է, որ 2-րդ անգամ կընթերցես:

- Շատ գրքեր եմ կարդացել, հիմնականում՝ պատմական ու դեպքերի, դրանից ամենատպալմունք ժողովրդի Սիմեոնի «Դեղին շունը» պատմվածքների գիրքն է, որը 2 անգամ կարդացել եմ և էլի կկարդամ:

- Ինչի՞ մասին ես երազում կյանքիդ այս շրջանում:

- Կյանքիս այս շրջանը բավականին հետաքրքիր ու փոփոխական է, երազանքներ չունեմ, կա նպատակ, որի համար պետք է ջանասիրաբար աշխատել:

- Խոսենք նախասիրություններից, ի՞նչն է, որ մի քանի ժամով քեզ կտրում է իրական կյանքից:

- Սպորտը, ֆիզիկական ակտիվությունը, քանի որ կյանքիս բոլոր փուլերում սպորտն անբաժան է եղել, ու միակ լիցքաթափվելու ձևը սպորտով զբաղվելն է:

- Ոստիկանական համակարգն ուժաշուն կառույց է: Կին-ոստիկան. այս հա-

կասություններն ինչպե՞ս ես կարգավորում:

- Ճիշտ է, ոստիկանական համակարգն ուժային կառույց է, ու միշտ հնչում են անհիմն կարծիքներ կին ոստիկանների՝ որպես թույլ սեռ լինելու մասին, բայց մեծ, որ, բարեբախտաբար, մեր հասարակության մեջ այդ կարծրատիպերի պատմելը ինչ-որ չափով թուլացել է, քանի որ ներկայումս համակարգում շատ կին ոստիկաններ ունենք:

- Ինչպե՞ս ընտրեցիր այս մասնագիտությունը:

- Մասնագիտությունս ընտրել էի դեռ 9-րդ դասարանում, գիտեի, որ բարդ է լինելու, դժվարությունների եմ բախվելու, բայց, ամեն դեպքում, սա իմ գիտակցված որոշումն է, որին պետք է հավատարիմ լինել:

- Ուսանողական տարիներ. ինչպիսի՞նք է Կրթահամալիրում ուսանողական կյանքը:

- Կրթահամալիրում ուսանողական կյանքը աշխույժ է, անընդհատ եռուզեռ է՝ դասախաղեր, կոնֆերանսներ, բանավեճեր ինչպես կրթահամալիրի ներսում, այնպես էլ այլ բուհերի հետ, որոնք հնարավորություն են տալիս ձևավորել ծանոթությունների լայն շրջանակ:

- Ոստիկան /կարել/ մի քանի բառով բնութագրի՞ր ինչ է քեզ համար այն:

- Ոստիկանն ապահովության, անվտանգության խորհրդանիշ է, որը պետք է լինի հումանիստ, բարձր մասնագիտական պատրաստվածությամբ ու հոգեբանական դիմադրողականությամբ:

- Մի քանի բառով նկարագրի՞ր Կրթահամալիրի սովորողի կերպարը:

- Կրթահամալիրի սովորողը զուսպ է, վարվեցողության բարձր արժեքներով, օրինակելի թե՛ հասարակության, թե՛ գործընկերների համար:

- Ո՞րն է ոստիկան դառնալու քո շար-

ժառիթը:

- Կրթահամալիրը լավագույն ընտրությունն է նրանց համար, ովքեր ուզում են որակյալ կրթություն ստանալ ու լինել որակյալ մասնագետ:

- Եթե հնարավորություն տրվեր փոխելու մասնագիտությունը, ի՞նչ կընտրեիր:

- Կընտրեի մանկաբուժությունը. միշտ սիրել եմ այդ գործը:

- Թե՛նա, որի շուրջ անդադար կխոսես:

- Թե՛նա էական չէ, կարևոր է՝ ում հետ:

- Ո՞րն է կյանքի շարժիչ ուժը քեզ համար:

- Կյանքի իմաստն այն ապրելու ու նորն արարելու մեջ է:

Բլից հարցեր

Պատասխանում ենք կարճ և արագ:

- Երեք բառ, որով կընորոշես ինքդ քեզ:

- Հայրենասեր, նպատակասլաց, հետաքրքրասեր:

- Միտք, որն առաջինը ծագում է արթնանալիս:

- Կյանքի մոր օր է, հիմալի է:

- Օրն սկսում ես ժամը...

- 6:30-ին:

- Սիրածդ աֆորիզմը:

- Բոլոր պատասխանները մեր ներսում են, դրանք պետք է լսել:

- Սիրելի զբաղմունքը:

- Սպորտ:

- Խորհուրդ, որը կտայիր:

- Սիրե՛ք աշխարհը, կյանքը, մարդկանց, լցվե՛ք լավատեսությամբ և ամեն ինչ կլինի այնպես, ինչպես պետք է:

- Իսկ վերջում... (ավելացրու՝ այն, ինչ մտքով անցնում է այս պահին)

- Գնահատե՛ք պահը և մի՛ վախեցե՛ք փոփոխություններից:

Հարցազրույցը վարեց առաջատար մասնագետ Լիանա Սահակյանը

ՀԵՐՏԱԲՐԵՐԱՇԱՐԺ ՊԱՏՈՒՀԱՆ

ՎԱՂԱՐՇԱՊԱՐՏ ԹԵ՛ ԷԶՄԻԱԾԻՆ

Շատերին է հայտնի, որ Էջմիածնաբնակ քաղաքացին որոշ փաստաթղթերով կարող է Էջմիածնեցի համարվել, մեկ այլ տվյալներով՝ վաղարշապատցի: Բանն այն է, որ Էջմիածինը Վաղարշապատ է անվանվել 1920 թ., իսկ 1945 թ. կրկին վերանվանվել է Էջմիածին: Դրանից հետո քաղաքի անվան փոփոխման վերաբերյալ որևէ որոշում չի հրապարակվել, սակայն 1996 թվականից կրկին գործածության մեջ է դրվել Վաղարշապատ անունը:

Վաղարշապատը և նրա շրջակայքը բնակելի են եղել դեռևս մ.թ.ա. 6-3 հազարամյակներից: Այստեղ է գտնվում Շրեշ բլուրը, Մեծամորը, որոնք թվագրվում են Էնեոլիթյան ժամանակաշրջանին:

Վաղարշապատի տարածքի և նրա շրջակայքի մասին առաջին գրավոր տեղեկությունները հայտնվել է Վանի թագավոր Ռուսա Բ-ն կոչվելով բնակավայրը Կուարլինի կամ Կուտուրլինի հովիտ: Արդեն 3-րդ դարի վերջերի Վաղարշապատի մասին տեղեկություններ է հաղորդում Ագաթանգեղոսը:

Հայաստանում քրիստոնեության ընդունումից հետո Վաղարշապատը դառնում է հայոց հոգևոր կենտրոն:

Միջնաբերդում կառուցվում է Մայր տաճարը, իսկ Հռիփսիմյան կույսերի նահատակման վայրերում՝ նրանց նվիրված մատուռները: Մայր Աթոռ Սուրբ Էջմիածին Մայր Տաճարը Ամենայն Հայոց Կաթողիկոսի նստավայրն է:

Էջմիածնի տարածքում վեց եկեղեցի կա՝ Մայր Աթոռ Սուրբ Էջմիածին, Սուրբ Հռիփսիմե, Սուրբ Գայանե, Սուրբ Շողակաթ, Սուրբ Մարիամ Աստվածածին, Զվարթնոց տաճար:

Ինչպես վկայում է Ագաթանգեղոսը՝ Սուրբ Գրիգոր Լուսավորիչը տեսիլք ունեցավ, ըստ որի՝ Միածին որդին, իջնելով Արարատյան դաշտավայր, Վաղարշապատ մայրաքաղաքում ցույց տվեց այն վայրը, որտեղ պիտի կառուցվի տաճարը և հաստատվի Հայոց քահանայապետական աթոռը: Մայր Աթոռ Սուրբ Էջմիածինը հենված է հոսող ջրերի վրա, որոնց քարերի դասավորվածությունը թույլ է տալիս երկրաշարժի դեպքում ճոճել կառույցը և խուսափել փլուզումից:

Սուրբ Էջմիածնի Մայր Տաճարն աշխարհասփյուռ հայ ժողովրդի հոգևոր կենտրոնն է, Սրբություն Սրբոցը:

Բացառիկ է նրա առաքելությունը հայ ժողովրդի ազգային-հոգևոր ու մշակութային կյանքում: Ոչ մի ազգային «գանձ» այնքան մեծ դեր ու նշանակություն չի ունեցել ու չունի, որքան Սուրբ Էջմիածինը: Դարերի ընթացքում Սուրբ Էջմիածնի Մայր Տաճարը ենթարկվել է այն բոլոր փորձություններին, ինչ իր հարազատ ժողովուրդը: Նրա պատերն ասես կրում են հայ ժողովրդի պատմության կմախքներն ու նրա հարատևման կմիջոցը: Կա՞ արդյոք մի հայ, որ լսած չլինի այս սրբանվեր ու աստվածահունչ անունը՝ Սուրբ Էջմիածին: Այն հայ ժողովրդի սիրտն ու հոգին է, նրա գոյության զարկերակը, և, իհարկե, իր աշխարհացիր գավալների դարավոր հոգևոր մշակույթի անպատմելի ու յուրահատուկ արտահայտությունը:

Էջմիածինն ունի իր դրոշը, որի դեղին գույնը՝ ծիրանագույնը, խորհրդանշում է արքայական ծիրանին, քանի որ Էջմիածինը



նր եղել է արքայանիստ քաղաք, իսկ մանուշակագույնը խորհրդանշում է քաղաքի կաթողիկոսանիստ լինելը, կենտրոնում նարնջագույնով պատկերված հայերեն մեծատառ նախշազարդ «Է» տառը՝ էություն, Աստված:

Հիմնգործող դարից ի վեր Էջմիածինը եղել է ոչ միայն հայ ժողովրդի նշանավոր ուխտատեղի, այլև մշակույթի հին ու նոր կրթողներով գրավել այլազգի գիտնականների, գրողների և ճարտարապետների ուշադրությունը:

Էջմիածնում գործում են թանգարաններ, երաժշտական, գեղարվեստի դպրոցներ և գրադարաններ:

Էջմիածնում են ծնվել կոմպոզիտոր Մակար Եկմալյանը, նկարիչներ Միքայել Աբեղյա-

նը, Լևոն Մանասերյանը և շատ ուրիշ երևելի մարդիկ:

Էջմիածինը նաև ՅՈՒՆԵՍԿՕ-ի «Համաշխարհային ժառանգության քաղաքներ» կազմակերպության անդամ է:

Էջմիածնեցին անկեղծորեն սիրում է իր քաղաքը և, իրավամբ, հպարտանում նրա փառավոր պատմությամբ, բայց նաև խորապես համոզված է, որ ինքն անբաժան է այդ պատմությունից, ավելին՝ այն կերտողներից մեկն է, ուստի պարտավոր է ամել իրենից կախված հնարավորը, որ համայն հայության հոգևոր կենտրոն, ալեհեր ու հավերժ երիտասարդ իր սիրելի քաղաքի ապագան լինի առավել գեղեցիկ ու լուսավոր:

Ա. Բ.

ԱՐԺԱՆԱՅԵՔ ԶՅ ՈՍՏԻԿԱՆՈՒԹՅԱՆ ՊԱՐԳԵՎՆԵՐԻՆ



«Օրենքի պատվար» մեդալով ծառայողները պարգևատրվում են ոստիկանության գործունեության զարգացման, օրինականության ամրապնդման, հանցավորության դեմ պայքարի, հասարակական կարգի

պահպանության և հասարակական անվտանգության ապահովման, անձնակազմի դաստիարակության գործում զգալի ներդրում ունենալու, ինչպես նաև հատուկ առաջադրանքները գերազանց կատարելու համար:



«Իրավակարգի ամրապնդման համար» մեդալով ծառայողները պարգևատրվում են ոստիկանության գործունեության զարգացման, իրավակարգի ամրապնդման, հանցավորության դեմ պայքարի, հասարակական կարգի պահպանության, անձնակազմի դաստիարակության

գործում զգալի ներդրում ունենալու, ինչպես նաև հատուկ առաջադրանքները գերազանց կատարելու համար: «Իրավակարգի ամրապնդման համար» մեդալով ծառայողները պարգևատրվում են «Օրենքի պատվար» մեդալով պարգևատրվելուց հետո:

ՀԵՏԱԶՐԺԻՐ ՓԱՍՏԵՐ ՕԼԻՄՊԻԱԿԱՆ ԽԱՂԵՐԻ ՄԱՍԻՆ



Օլիմպիական խաղերի մեկնարկի պաշտոնապես գրանցված տարեթիվը մ.թ.ա. 773 թվականն է: Բազմաթիվ մրցույթների հաղթող է դարձել մարզիկ Ջեյմս Կոկեր, որի ֆիզիկական ուժն արտաքուշով է առասպելներում, պահպանված քանդակներում և հնագույն սպորտային ճարտարապետության մասին արձանագրություններում: Խաղերը կոչվում են Օլիմպիական, որովհետև առաջին անգամ Օլիմպոս բաղնիքում են անցկացվել: Օլիմպիական խաղերին մասնակցում էին միայն տղամարդիկ, այն էլ՝ պարտադիր մերկ: Այդ կանոնը երկու հիմնավորում ուներ.

1. Կանանց արգելվում էր մասնակցել օլիմպիական խաղերին. նրանք տրիբունաներում լինելու իրավունք չուներին: Պատմության էջերում գրանցվել է Կալիպատերիա անունով մի կին, որը մտել էր տրիբունա, ինչի պատճառով էլ քիչ էր մնացել գրկվելու կյանքից: Այդ դեպքից հետո բոլորը պարտավոր էին մասնակցել օլիմպիական խաղերին մերկ, որ ոչ մի կին չկարողանա խորամանկել և ներս մտնել:

2. Անտիկ ժամանակներում կար մերկ մարմնի պաշտամունք: Մերկ վիճակում մարզիկների համար ավելի հեշտ էր ցուցադրել իրենց մկանների և կազմվածքի գեղեցկությունը: Այդ ժամանակվա բոլոր արձանները պատկերում էին մերկ մարմիններ:

Հնում կայանալիք խաղերի մասին մարդիկ տեղեկանում էին սուրհանդակների միջոցով, որոնք շատ արագավազ էին և գիշեր-ցերեկ վազելով՝ լուրը տեղ էին հասցնում:

Մարզիկներն Օլիմպոս էին գալիս խաղերից մեկ ամիս առաջ և հմուտ մարզիչների օգնությամբ պատրաստվում մրցումներին: Օլիպիական խաղերի օրերին դադարեցվում էին պատերազմները:

Խաղերը տևում էին հինգ օր: Մարզիկները մրցում էին հետևյալ մարզաձևերում՝ վազք, ցատկ, սկավառակի նետում, ըմբշամարտ, բռնցքամարտ և անվակառքերով մրցում: Հաղթողները մեծ փառքի ու ճանաչման էին արժանանում: Սակայն տարիների ընթացքում օլիմպիական խաղերը կորցրին իրենց կարևորությունը ու մի քանի հարյուրամյակ դադարեցին: Վերսկսվեցին միայն 1896 թվականին:

ՏՐԱՄԱԲԱՆԱԿԱՆ ՀԱՐՑԵՐ

- Արաբական ասացվածքն ասում է. «Լավագույն լեզուն զսպված լեզուն է, իսկ լավագույն խոսքը՝ մանրակրկիտ մտածվածը: Երբ մարդը խոսում է, ապա նրա բառերը պետք է լինեն ավելի խելացի քան ...»: Ինչի՞ց խելացի պետք է լինեն:
- 1859թ. Ավստրալիա ներմուծեցին այս կենդանիների ընդամենը 16 հատ: Արդեն 3 տարուց նրանք դարձան իսկական աղետ: Ի՞նչ կենդանի էր դա.

Ստեղծագործում են մերոնք

ՁՈՆ ՀՈՐՍ

Քայլ առ քայլ կյանքիս էջերն են թերթում,
Մանուկ օրերիս կարոտն է վառվել,
Արդեն վաղուց է՝ մի միտք են անում.
Ի՞նչ կա հոր սիրուց կյանքում առավել:



Երբ հողմերն են ինձ ոտնատակ գալիս,
Ու ժայռերը վե՛ս խոնարհվում անել,
Մի ուժ է ներսից կոկորդս խեղդում.
Ի՞նչ կա հոր սիրուց կյանքում առավել:

Եվ բարձունքներիս զագաթին թիկնած՝
Գոհունակ դեմքս կյանքին են հառել,
Այս ամբողջամուկ, խառնակ աշխարհում
Ի՞նչ կա հոր սիրուց կյանքում առավել:

Ինքս իմ աչքում իմաստուն դարձած՝
Որքա՛ն անգամ են, սակայն, սայթաքել,
Բայց ծնկաչոք են խոսքերիդ դիմաց.
Մի՞թե կա կյանքում հոր սիրուց ավել:

Երբ հոգնել էի բոլոր սերերից,
Եվ մայրս քնքուշ արցունք էր դարձել,
Թևաթափ սրտիս մի ուժ էր պահում.
Չկա՛ քո սիրուց, հայր իմ, առավել:

Շուշանիկ Հողաբաշյան
շրջանավարտ

ՏՈԿԱՑԵՔ, ՏՂԵՐՔ

Հայաստանն իմ տունն է, իմ օջախն ու ամրոցն է...
Քե՛զ են դիմում, հայկյան արմատի ըմբո՛ստ զավակ,
Քե՛զ են դիմում մեր ամենահաղթ, ամենագուժ հայկազուն զավակ:
Ես չեմ երկմտում հավատիդ, ուժիդ, անժիր կորովիդ:
Ես հավատում եմ անկոտրում կամքիդ, սրաթև մտքիդ ու հաղթանակիդ:
Դուք ուժեղ եղեք, որ բարին հաղթի:
Պիտի ջախջախենք զլուխը օձի՛ նենգ ու տմարդի:
Լեռներից էլ վե՛հ, լեռներից էլ պինդ կանգնած եք ահա...
Տոկացեք, տղե՛րք, թիկունքից ահա առաքում են Ձեզ մի կտոր մեծ սեր,
Մեծ բաժին հավատ, Աստծո օրհնություն, անկոտրում կամք ու հույսի թևեր...
Սուսաննա Մեջլումյան
ոստիկանության լեյտենանտ

ԽՈՐՀՈՒՄ ԵՆ ՄԵԾԵՐԸ

Ոչինչ այնքան վտանգավոր չէ, որքան այն տխմարը, որը ցանկանում է խելոք երևալ:

Գյոթե

Լեզվի և դանակի տարբերությունն այն է, որ առաջինը մշտական գործածությունից ավելի է սրվում:

Լամարթին

Նա, ով մտածում է, թե իբր կարող է ապրել առանց ուրիշների, խիստ մոլորության մեջ է, բայց ավելի շատ է մոլորվում նա, ով կարծում է, թե ուրիշներն առանց իրեն չեն կարող ապրել:

Լառոշ Ֆուկո

Քայլ առ քայլն առևտրի օրենքն է, սակայն ո՛չ ընկերության: Առևտուրն ընկերություն չի ճանաչում, ընկերության մեջ էլ առևտուր չպետք է լինի:

Լեսինգ

Պատանեկության արատները չի կարելի պահել մի՛նչև ծերություն, քանզի ծերությունն իրենն է բերում:

Գյոթե

Կրակ բորբոքողն իրավունք չունի դժգոհելու, երբ կայծերը դիպչում են նրա երեսին:

Ֆրանկլին

Միաբանությունը բարի գործերի մայրն է, իսկ անմիաբանությունը՝ չար գործերի ծնողը:

Եդիշե

Բարձրագույն դատարանը խղճի դատարանն է:

Հրաժարվել մտածելուց՝ նշանակում է հայտարարել իր հոգևոր սնանկությունը:

Հյուգո

Եթե ինչ-որ մեկը երկար լեզու ունի, նշանակում է՝ ինչ-որ մեկն էլ երկար ականջներ պիտի ունենա:

Հովնաթան